

„პალიტრა ნიუსის“ თვითრეგულირების ორგანოს

**28** თებერვალს, **20** საათზე, მაუწყებლის „პალიტრა ნიუსის“ ეთერში გავიდა გადაცემა „ფალსვანდიშვილთან - საგანი მე და საზოგადოება“. გადაცემა იყო დისკრიმინაციული ხასიათის და მიგვაჩნია, რომ მისი ეთერში გაშვებით ტელეკომპანიამ დაარღვია მაუწყებელთა ქცევის კოდექსი.

პირველ რიგში გვსურს აღვნიშნოთ, რომ გადაცემის წამყვანი გურამ ფალსვანდიშვილი ცნობილია თავისი დისკრიმინაციული ქმედებებითა და გამოსვლებით საზოგადოების სხვადასხვა ჯგუფების მიმართ. იგი 2013 წელს დაკავებული იყო თავისუფლების მოედანზე ხანუქას დღესასწაულის აღნიშვნელი პლაკატების ჩამოხვეისთვის და დღესასწაულის გამართვისთვის ხელის შეშლისთვის<sup>1</sup>. ამას გარდა, გურამ ფალსვანდიშვილი გამოირჩეოდა ანტისემიტური, ჰომოფობიური, დისკრიმინაციული გამოხატვით<sup>2</sup>. მაგალითად გურამ ფალსვანდიშვილი ხანუქას დღესასწაულთან დაკავშირებით აცხადებდა: „როცა ხანუქას გამოაბრძანებენ ქუჩაში, ამით პროცესის თანამონაწილეს გვხვდნენ მართლმადიდებელ მრევლს. ამ დღესასწაულის თავზე მოხვევა არის დაპირისპირების წინაპირობა. თავის სახლში ვისაც რა უნდა, ის გააკეთოს, მაგრამ როცა შენ ეს ქუჩაში გამოაქვს და გინდა, რომ მართლმადიდებელ ქრისტიანს აზვიადო ქრისტეს უარყოფა, ეს მიუღებელია... ვიმეორებ, თუ არ გაითვალისწინებენ თხოვნას, ამას მოჰყვება დაპირისპირება“ (ალია, 23 ოქტომბერი, 2014). არაერთხელ გაუღერებულს დისკრიმინაციული გამონათქვამები ლგბტ ჯგუფების მიმართ, მაგალითად: „ჩვენ შევძლებთ, შევერთდებით საკრებულოში, ბატონი დიძას დახმარებით, რომ პროპაგანდა მამათმავლობის საქართველოში ავრძალოთ, გვიპარადები, გარყვნილი ფოტოები, სურათები და ასე შემდეგ“ (საზოგადოებრივი მაუწყებელი, პირველი სტუდია, 16 მაისი; 2014)<sup>3</sup> და ა.შ.

მიგვაჩნია, რომ საავტორო გადაცემის წამყვანად ასეთი შეხედულებების ადამიანის მიწვევა დიდწილად განსაზღვრავს „პალიტრა ნიუსის“ სარედაქციო პოლიტიკას, რისი გამოხატულებაც 28 თებერვალს არხის ეთერში გასული გადაცემა იყო, რომლითაც ტელეკომპანიამ საქართველოს მაუწყებელთა კოდექსის რამდენიმე მუხლი დაარღვია.

კერძოდ: გადაცემაში წამყვანმა გამოიყენა საკუთარი მდგომარეობას ლგბტ პირთა დისკრიმინაციისთვის, ასევე დისკრიმინაციული ლექსიკა ლგბტ ჯგუფების მიმართ. მაგალითად წამყვანმა გადაცემის გახსნისთანავე აღნიშნა, რომ: „**21** თებერვალს დაიგემა იდენტობის მიერ უნივერსიტეტში კონფერენცია, რომელიც ეძღვნებოდა ლგბტ მიმდებლობას ახალგაზრდებში, პროპაგანდას და მოიწვიეს გურიიდან, აჭარიდან თავიანთი აქტივისტები, დაკავებული ხალხი ამ გარყვნილებით - ჰომოსექსუალიზმით და აპირებდნენ ჩატარებას ლექციის...“ გადაცემის ავტორმა დასაწყისშივე გამოხატა დისკრიმინაციული დამოკიდებულება იმ ჯგუფების მიმართ, რომელთა შესახებაც იყო მომზადებული საავტორო გადაცემა.

ტელეკომპანიამ დაარღვია მაუწყებელთა კოდექსის 31 მუხლი, რომლის თანახმადაც:

31. „მაუწყებელმა თავი უნდა შეიკავოს ისეთი მასალის გამოქვეყნებისგან, რომელიც გააღვივებს სიძულვილს ან არატოლერანტობას რასის, ენის, სქესის, რელიგიური კუთვნილების, პოლიტიკური შეხედულებების, ეთნიკური, გეოგრაფიული ან სოციალური წარმოშობის საფუძველზე.“

1 ტბულა ტვ. <https://www.youtube.com/watch?v=FKwoml3HqBA>

2 სიძულვილის ენა და ქსენოფობია. 2014 -2015 წლების ანგარიში. მდგ. გვ 83  
<http://www.mdfgeorgia.ge/uploads/library/19/file/Hate%20Speech-2015-GEO-web.pdf>

3 ჰომოფობია და გენდერული იდენტობა. 2014 -2015 წლების ანგარიში. მდგ. გვ 28.  
[http://mdfgeorgia.ge/uploads/library/17/file/Homophobia-GEO-web%20\(1\).pdf](http://mdfgeorgia.ge/uploads/library/17/file/Homophobia-GEO-web%20(1).pdf)

დისკრიმინაციული ლექსიკის გამოყენებით მაუწყებელმა დაარღვია მაუწყებელთა ქვევის კოდექსის 33 მუხლის მე-3 პუნქტი, რომლის თანახმადც:

33.3. “მაუწყებელმა თავიდან უნდა აიცილოს რელიგიური, ეთნიკური, ან სხვა ნიშნის მიხედვით რომელიმე ჯგუფის შეურაცხყოფა, მათ შორის გარკვეული ლექსიკის ან გამოსახულების გამოყენება. ეს მოთხოვნა არ უკრძალავს მაუწყებელს, ხელი შეუწყოს ინფორმირებულ და არაცალმხრივ დისკუსიას შეუწყნარებლობის ან დისკრიმინაციის საკითხებზე, ან გადასცეს ფაქტობრივი მასალა ან საზოგადოებაში რეალურად არსებული მოსაზრება”.

მაუწყებელთა ქვევის კოდექსი ავალდებულებს წამყვანს, რეაგირება მოახდინოს რესპონდენტის მხრიდან გამოთქმულ დისკრიმინაციულ გამოხატვაზე. კერძოდ, 33 მუხლის მე-4 პუნქტის თანახმად:

33.4. თუ წყარო პირდაპირ ეთერში ან ახალ ამბებში უსაფუძვლოდ ასახელებს ეთნიკურ წარმომავლობას, რელიგიურ მრწამსს, სექსუალურ ორიენტაციას, ოჯახურ ან ქონებრივ მდგომარეობას, სოციალურ კუთვნილებას, ან ნებისმიერ სხვა ნიშანს, როგორც პრობლემის გამომწვევ მიზეზს ან იყენებს შეურაცხმყოფელ ტერმინოლოგიას რომელიმე ჯგუფის მიმართ, წამყვანი არ უნდა აყვეს ასეთ დიალოგს და შეეცადოს შეურაცხმყოფელი განცხადების ავტორს დაუსვას შეკითხვა გამოთქმული მოსაზრების დასაბუთების მიზნით.

შესაბამისად, დაირღვა 33.4 მუხლი, რომლის დაცვის მოლოდინი გადაცემის წამყვანის მხრიდან, რომელმაც წინასწარვე შექმნა გადაცემაში ჰომოფობიური განწყობა, არ უნდა ყოფილიყო. თუმცა მაუწყებელთა კოდექსის დაცვის ვალდებულება ვრცელდება ტელევიზიაზე, რომელმაც ვერ უზრუნველყო აღნიშნული ნორმის დაცვა.

„პალიტრა ნიუსის“ გადაცემაში „ფალავანდიშვილთან“ დეზინფორმაციის გავრცელებით, სტერეოტიპებისა და ნეგატიური წინასწარგანწყობების დამკვიდრებით, ადამიანის ღირსებისა და პატივის შემლახველი განცხადებებით წახალისა ლგბტ ადამიანების მიმართ ნეგატიური და აგრესიული დამოკიდებულება. რითაც უხეშად დაარღვია ჟურნალისტური ეთიკის პრინციპები, ასევე “მაუწყებლობის შესახებ” საქართველოს კანონისა და “მაუწყებელთა ქვევის კოდექსის” მოთხოვნები.

კიდევ უფრო საზიანოა ჰომოფობიური გამონათქვამები იმ ადამიანებისთვის, რომლებსაც საკუთარი პიროვნების ერთ-ერთი იდენტობის (სექსუალური ორიენტაცია, გენდერული იდენტობა, ეთნიკური წარმომავლობა მაგ.) მიმართ მიმღებლობა არ გააჩნიათ და ამის გამო თავს საზოგადოებისგან გარიყულ და დაბალი ღირებულების მქონე ადამიანებად მოიაზრებენ. მათი სოციალური ინტეგრაცია მნიშვნელოვანია მთლიანად საზოგადოებისათვის, ხოლო მტრული განწყობა ყველასათვის საზიანო.

საქართველოს კონსტიტუციის მე-14 მუხლის თანახმად ყველს ადამიანი დაბადებით თავისუფალია და კანონის წინაშე თანასწორია განურჩევლად რასისა, კანის ფერისა, ენისა, სქესისა, რელიგიისა, პოლიტიკური და სხვა შეხედულებებისა, ეროვნული, ეთნიკური და სოციალური კუთვნილებისა, წარმოშობისა, ქონებრივი და წოდებრივი მდგომარეობისა, საცხოვრებელი ადგილისა. ამავე კანონის მე-17 მუხლის პირველი პუნქტის მიხედვით ადამიანის პატივი და ღირსება ხელშეუვალია, ხოლო მე-2 პუნქტის შესაბამისად დაუშვებელია ადამიანის პატივისა და ღირსების შემლახველი მოპყრობა.

ადმინანის უფლებათა და ძირითად თავისუფლებათა ევროპული კონვენციის მე-8 მუხლი პირადი ცხოვრების პატივისცემის უფლებას განამტკიცებს. ამ მუხლის მეორე ნაწილის მიხედვით პირადი ცხოვრების პატივისცემის უფლების შეზღუდვა დაუშვებელია გარდა ისეთი შემთხვევებისა, როდესაც ჩარევა კანონის საფუძველზე ხდება, ემსახურება ლეგიტიმურ მიზანს და აუცილებელია დემოკრატიულ საზოგადოებაში.

საზოგადოებაში საყოველთაოდ დამტკიცებულ ეთიკურ ნორმებს, inter alia, იცავს “მაუწყებლობის შესახებ” საქართველოს კანონის 56-ე მუხლი, რომლის მე-3 პუნქტის თანახმად: იკრძალება ისეთი პროგრამების გადაცემა, რომლებიც მიმართულია პირის ან ჯგუფის ფიზიკური შესაძლებლობების, ეთნიკური კუთვნილების, რელიგიის, მსოფლმხედველობის, სქესის, სექსუალური ორიენტაციის ან სხვა თვისებისა თუ სტატუსის გამო შეუზღუდავად, დისკრიმინაციისაკენ ან ამ თვისებისა თუ სტატუსის განსაკუთრებული ხაზგასმისაკენ, გარდა იმ შემთხვევისა, როდესაც ეს აუცილებელია პროგრამის შინაარსიდან გამომდინარე და მიზნად ისახავს არსებული შუღლის ილუსტრირებას. მოცემული გადაცემის საშუალებით მოხდა ცრუ ინფორმაციის გავრცელება ა(ა)იპ „იდენტობის“ საქმიანობის შესახებ, რაც მიზნად ისახავდა საზოგადოების შეცდომაში შეყვანას და ორგანიზაციის მიმართ აგრესიის გაღვივებას.

გადაცემის წამყვანმა გამოიყენა დამამცირებელი ტერმინოლოგია ლგბტ თემის წევრების მისამართით და „იდენტობის“ მიერ ორგანიზებული სამეცნიერო კონფერენციის ჩაშლა აგრესიული პირების მხრიდან სასიხარულო მოვლენად შეაფასა. ასევე, აღსანიშნავია, რომ გადაცემაში მოწვეული იყვნენ არაკომპეტენტური პირები, რომლებმაც ისაუბრეს ლგბტ ადმინანების შესახებ სტერეოტიპულ და საზიანო კონტექსტში, რაც კიდევ უფრო მეტად აფერხებს ამ ჯგუფის საზოგადოებაში ინტეგრაციის პროცესს და უფრო დიდი აგრესიის მსხვერპლად აქცევს მათ.

გადაცემაში არა მხოლოდ წამყვანი, არამედ რესპონდენტებიც გამოხატავენ დისკრიმინაციულ და შეურაცხყოფელ მოსაზრებებს, ცრუ, გადაუმოწმებელი და შეცდომაში შემყვანი ინფორმაციის ტირაჟირებით, ლგბტ თემის დამნაშავეებად, საფრთხედ წარმოჩენის გზით. რესპონდენტები იყენებდნენ როგორც შეურაცხყოფელ ლექსიკას, ასევე ახდენდნენ არასწორი ფაქტების ტირაჟირებას, რითაც მცდარი სტერეოტიპების დამკვიდრებას უწყობდნენ ხელს. კერძოდ, ხდებოდა ჰომოსექსუალური ურთიერთობების კრიმინალურ დანაშაულთან პედოფილიასთან და ინცესტთან გაიგივება. კერძოდ:

ლევან ვასაძე: “პედოფილიური მიდრეკილებები აქვთ მამათმავლებს ვიცი ხომ? პიდარასტი რას ნიშნავს? „პედოს“ არის ბავშვი გამხრწნელად მოყვარულს, სამედიცინო ტერმინია ეგეც, ეხლს უბრალოდ ისე გაფუქდა რომ მოძველდა „გეი“ არის საღმრთო სიხარული“.

მარინა კაჭარავა, ფსიქოლოგი: „რაც შეეხება ამ ჰომოსექსუალურ ან ნებისმიერ სხვა მსგავს პერვერსიებს, ეს მართალია, რომ ის მართლაც ამოღებულია დაავადებების სიიდან. ითვლება ნორმად. ნორმა არის შეთანხმების საკითხი. შესაძლებელია რომ ადმინანები შეთანხმდნენ და არ თანხმდებიან, ძალიან ბევრი ფსიქიატრი ამას აპროტესტებს... ამ რიგში დგას ინცესტი და პედოფილია. ნამდვილად დგას. მე პირადად მაქვს წაკითხული მსგავსი არგუმენტები, რომ საკუთარ შვილთან უფრო კარგია, მშობლისგან ისწავლოს პირველი სექსუალური გამოცდილება ქონდეს, ვიდრე სხვისგან, იმიტომ რომ მშობელი უფრო დაინდობს, ვიდრე სხვა... არაფერს ვლპარაკობ პედოფილიაზე, ძალიან დაიწია ასაკი ბავშვისთვის, 10-11 წელი მას აქვს უფლება, რომ ჰქონდეს სექსუალური ურთიერთობა...“

გადაცემის ავტორს არც ერთ ზემოთ ჩამოთვლილ შემთხვევაში არ დაუსვამს კითხვა გამოთქმული მოსაზრებების დასასაბუთებლად. არ დაინტერესებულს რესპონდენტების მიერ მოწოდებული ინფორმაციის დაზუსტებითა და გადამოწმებით. ჰომოსექსუალური ურთიერთობების ინცესტთან და პედოფილიასთან დაკავშირებას სრულიად უსაფუძვლოდ ცალკეული პირობი მიზანმიმართულად ახდენენ, რასაც არავითარი ფაქტობრივი საფუძველი არ აქვს და ამ თემაზე არაერთი კვლევა მომზადებული<sup>4</sup>.

გარდა ამისა, გადაცემა „ფალსევანდიშვილთან - მე და საზოგადოება“ წამყვანმა გურამ ფალსევანდიშვილმა თავდაცვით არაერთხელ დაარღვია მაუწყებელთა ქცევის კოდექსის ჯეროვანი სიზუსტის დაცვის პრინციპი. წამყვანმა გადაცემა ააგო მოსაზრებაზე, რომ: „არსებობს წიგნები „კომპასი“ და „კომპასიტო“, რომელიც ევროპის ქარტიის დავალებით ითარგმნა და გახდა სავალდებულო ჩვენს სკოლებში. ისინი მართალია ამას უარყოფენ, მაგრამ ეს არის ფაქტი. იმიტომ რომ დევს, გვაქვს ჩვენ დოკუმენტაცია... ამას გარდა მათ დაიწყეს საპილოტე გაკვრა ტრანსგენდერის აფიშების... ფაქტიურად კომპასიტო არის მიღებული ამ განათლების სისტემაში, რაც არ უნდა გაემიჯნოს მას განათლების სამინისტრო.“ განათლების სამინისტრომ არაერთხელ განმარტა, რომ აღნიშნული წიგნების საქართველოს სკოლებში სწავლება, მით უმეტეს სავალდებულო ფორმატით, არ იგეგმება. წამყვანმა, მიუხედავად იმისა, რომ მას ჰქონდა ეს ინფორმაცია, მიზანმიმართულად სცადა საზოგადოებისთვის ცრუ და შეცდომაში შემყვანი ინფორმაციის მიწოდება, გადაცემის მანძილზე განიხილავდა ამ წიგნების სწავლებას სკოლებში, როგორც გარდაუვალ შესაძლებლობას, რათა გაემსაფრებინა დისკრიმინაციული ეფექტი, რომელიც ლგბტ პირთა მიმართ გადაცემის დაწყებისთანავე გამოიკვეთა.

შესაბამისად, მიგვაჩნია რომ დაირღვა მაუწყებლის ქცევის კოდექსის მუხლი 13-ის პუნქტი 1 და პუნქტი 2-ის თანახმად:

1. „მაუწყებელი ვალდებულია მიიღოს ყველს გონივრული ზომი, რათა უზრუნველყოს ინფორმაციის წყაროს და ფაქტების სიზუსტე.
2. მაუწყებელი ვალდებულია მიაწოდოს აუდიტორიას სანდო და ზუსტი ინფორმაცია, არ დაუშვას ცრუ ამ შეცდომაში შემყვანი ინფორმაციის გავრცელება.

დისკრიმინაციული და გადაუმოწმებელი, შეცდომაში შემყვანი ინფორმაციის ტირაჟირებით მაუწყებელმა დაარღვია კოდექსის 33 მუხლის 2 პუნქტი, რომლის თანახმადც:

2. მაუწყებელმა თავი უნდა აარილოს უმცირესობების და სოციალური პრობლემების შესახებ არასწორი და შეცდომაში შემყვანი განცხადებების გაკეთებას, ხელი არ უნდა შეუწყოს სტერეოტიპების ჩამოყალიბებას...

დაირღვა ასევე მაუწყებელთა ქცევის კოდექსის 32 მუხლი:

1. მაუწყებელი ვალდებულია სამაუწყებლო ბადეში განათავსოს ზუსტი და სარწმუნო, დაბალხსენებული, პროპორციული და თანაზომადი ინფორმაცია საქართველოში მცხოვრებ ყველს კულტურულ, რელიგიურ, ეთნიკურ ჯგუფზე და სოციალურ ფენაზე სამართლიანობის და მიუკერძოებლობის პრინციპების დაცვით.

2. მაუწყებელმა პატივი უნდა სცეს აზრის, სინდისის, რწმენის და აღმსარებლობის თავისუფლების ფუნდამენტურ უფლებებს და თავიდან აიცილოს ნებისმიერი ეთნიკური, რელიგიური, კულტურული ან სოციალური ჯგუფის შეურაცხყოფა.

---

4 პედოფილიის თემაზე იხ. მითების დეტექტორი [http://eurocommunicator.ge/geo/view\\_myth/37](http://eurocommunicator.ge/geo/view_myth/37)  
ინცესტის თემაზე იხ. მითების დეტექტორი [http://eurocommunicator.ge/geo/view\\_myth/1](http://eurocommunicator.ge/geo/view_myth/1)

3.მაუწყებელმა პატივი უნდა სცეს ადამიანის უფლებებსა და თავისუფლებებს.

მიუკერძოებლობის პრინციპის დარღვევაზე მოწმობს ისიც, რომ გადაცემაში მოწვეული სტუმრები გამოირჩეოდნენ ჰომოფობიური განცხადებებით, ყველს მათგანი წარმოადგენდა ერთ პოზიციას, საგანი „მე და საზოგადოება“ წარმოჩენილი იყო, როგორც „უზნეობის პროპაგანდა“. გადაცემაში არ ყოფილს მცდელობა, წარმოჩენილი ყოფილიყო განსხვავებული აზრი, მაგალითად განათლების სამინისტროს, ადამიანის უფლებათა დამცველების და დისკრიმინაციის სამიზნე ჯგუფის \_ ლგბტ პირთა მოსაზრებები და არგუმენტები.

გარდა ამისა, მაუწყებელმა დაარღვია მაუწყებელთა ქვეყნის კოდექსის მუხლი 17, (პუნქტები 1 და 2) რომელიც საავტორო პროგრამის ავტორებს უყენებს შემდეგ მოთხოვნებს:

1.სავტორო პროგრამებში აუდიტორიას უნდა მიეწოდოს მოსაზრებათა ფართო სპექტრი, თავიდან უნდა იქნას აცილებული ფაქტების დამახინჯება და განსხვავებული აზრის არასწორი ინტერპრეტირება.

2.სავტორო პროგრამის წამყვანმა არ უნდა გამოიყენოს საკუთარი მდგომარება საკუთარი მოსაზრების იმ ფორმით გავრცელებისათვის, რომელმაც შეიძლება ხელყოს პროგრამის მიუკერძოებლობა.

შესაბამისად, მოგმართავთ, რათა „პალიტრა ნიუსის“ თვითრეგულირების ორგანომ მაუწყებლობის კანონის საფუძველზე იმსჯელოს აღნიშნული სიუჟეტის მაუწყებლის ქვეყნის კოდექსის მე-13 (1,2), მე-17, 31, 32 (1,2 და) 33 (3,4) მუხლების დარღვევის ფაქტზე.

თამარ ხორბალაძე

**„მედიის განვითარების ფონდი“ (MDF)**

საკონტაქტო ინფორმაცია: ქობულეთის ქუჩა 34/36, სადარბაზო 1, სართული 4, ბინა 5 0179, თბილისი, საქართველო. ელ. ფოსტა: [mdfgeo@gmail.com](mailto:mdfgeo@gmail.com) ტელ: 0790/99 66 07

ბაია პატარაია

**კავშირი „საფარი“**

საკონტაქტო ინფორმაცია: ქანთარიას 11/ა, 0161, თბილისი, საქართველო; ელ.ფოსტა: [unionsapari@gmail.com](mailto:unionsapari@gmail.com); ტელ: 995 32 2 307 603

მარია დარჩიევი

**„იდენტობა“**

საკონტაქტო ინფორმაცია: 112 მიხეილ წინამდგერიშვილის ქუჩა, 3 სართ. 0164, თბილისი, საქართველო. ელ. ფოსტა: [info@identoba.com](mailto:info@identoba.com)

## ნათია იმნაძე

### „საქართველოს დემოკრატიული ინიციატივა“ (GDI)

საკონტაქტო ინფორმაცია: რ.ერისთავის #3, მე-3 სართული, თბილისი, საქართველო  
ელ.ფოსტა: [info@gdi.ge](mailto:info@gdi.ge) tel: (995 32) 2 72 80 08

## ეკა ჭითანავა

### ტოლერანტობისა და მრავალფეროვნების ინსტიტუტი (TDI)

საკონტაქტო ინფორმაცია: ი. ჭავჭავაძის გამზირი 11; მე-4 სადარბაზო, II სართული, ბინა N 38.  
0179, თბილისი, საქართველო ელ.ფოსტა: [tdigeorgia@gmail.com](mailto:tdigeorgia@gmail.com) ტელ: 995 32 222 35 76